

ქ. რუსთავი

12 აგვისტო 2019 წელი

ერთის მხრივ ა(ა)იპ „რუსთავსერვის ცენტრი“ (შემდგომში „შემსყიდველი“) წარმოდგენილი მისი დირექტორი გიორგი გოროზიას სახით და მეორეს მხრივ, შპს „თომა“ (შემდგომში „მიმწოდებელი“) წარმოდგენილი მისი დირექტორის ოთარ მეგრელიშვილის სახით, სახელმწიფო შესყიდვების კანონის და პრეტენდენტის შპს „თომა“-ს სატენდერო წინადადების საფუძველზე, ელექტრონული ტენდერის **NAT190014155** ჩატარების შედეგად დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისთვის.
- 1.3 „დღე“, „კვირა“, „თვე“-კალენდარული დღე, კვირა, თვე.
- 1.4 „შემსყიდველი“- ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ;
- 1.6 „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 C P V – 31200000 ელექტროენერგიის გამანაწილებელი და საკონტროლო აპარატურა.
- 2.2 „მიმწოდებლის“ მიერ ხელშეკრულებით ნაკისრი ვალდებულების აღწერა და მოცულობა მოცემულია დანართ #1-ში

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს 5 346,58 (ხუთი ათას სამას ორმოცდა ექვსი ლარი და ორმოცდა თვრამეტი თეთრი) ლარს. მათ შორის დღგ-ს თანხა შეადგენს 815,58 ლარს.
- 3.2 ხელშეკრულების საერთო ღირებულება მოიცავს „მიმწოდებლის“ მიერ ხელშეკრულებით გათვალისწინებული ვალდებულების შესრულებასთან დაკავშირებულ ყველა ხარჯსა და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

- 4.1 „მიმწოდებელთან“ ანგარიშსწორება ხორციელდება ეტაპობრივად უნაღდო ანგარიშსწორების ფორმით ეროვნულ ვალუტაში.
- 4.2 ანგარიშსწორება წარმოებს ხელშეკრულებით გათვალისწინებული საქონლის მიწოდების შემდეგ ხელმოწერილი მიღება-ჩაბარების აქტის სასაქონლო ზედნადებისა ან/და ანგარიშგაქტურის(ასეთის არსებობის შემთხვევაში) საფუძველზე 10 სამუშაო დღის განმავლობაში.
- 4.3 დაფინანსების წყარო: 2019 წლის სახსრები.

5. მიღება-ჩაბარების წესი

- 5.1 საქონელი ან მისი ნაწილი ჩაითვლება მიწოდებულად მხოლოდ კანონმდებლობით დადგენილი წესით გაფორმებული მიღება - ჩაბარების აქტის გაფორმების შემდეგ, რომელსაც „შემსყიდველის“ მხრიდან ხელს აწერს ა(ა)იპ „რუსთავსერვის ცენტრი“-ს გარეგანათების სამსახურის უფროსი გულიგერ სამუშია და ა(ა)იპ „რუსთავსერვის ცენტრი“-ს შესყიდვებისა და ლოჯისტიკის უფროსის მოადგილე დავით ხიჯაკაძე, ხოლო მიმწოდებლის მხრიდან შპს „თომა“-ს დირექტორი ოთარ მეგრელიშვილი..
- 5.2 მიღება-ჩაბარების აქტში მითითებული უნდა იყოს:
 - „მიმწოდებლის“ მიერ მიწოდებული საქონლის აღწერა;
 - „მიმწოდებლის“ მიერ მიწოდებული საქონლის ღირებულება;
 - „მიმწოდებლის“ მიერ მიწოდებული საქონლის ჩამონათვალი;

6. საქონლის მიწოდების ვადა და ადგილი

- 6.1 მიმწოდებელი საქონლის მიწოდებას განახორციელებს შემსყიდველის მოთხოვნის შესაბამისად, ხელშეკრულების გაფორმებიდან 5 (ხუთი) სამუშაო დღეში.
- 6.2 საქონლის მიწოდების ადგილი: ქალაქი რუსთავი, ალ. ყაზბეგის ქ. N 2

7. მხარეთა უფლება-მოვალეობანი

- 7.1 „შემსყიდველი“ უფლებამოსილია:

- ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;
 - ბ) არ ჩაიბაროს რაოდენობრივად, ხარისხობრივად ან უფლებრივად ნაკლები საქონელი.
- 7.2 შემსყიდველი ვალდებულია:

ა) უზრუნველყოს „მიმწოდებლის“ მხრიდან ხელშეკრულების საგნით ნაკისრი, შესრულებული ვალდებულების ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით;

7.3 მიმწოდებელი უფლებამოსილია

ა) მოსთხოვოს შემსყიდველს ხელშეკრულების საგნით ნაკისრი, შესრულებული, ვალდებულების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.4 მიმწოდებელი ვალდებულია:

ა) შეასრულოს ხელშეკრულებით ნაკისრი ვალდებულება სათანადო ხარისხით და სრული მოცულობით.

ბ) იმ შემთხვევაში, თუ რომელიმე პარამეტრი არ შეესაბამება „შემსყიდველი“-ს მოთხოვნებს, საკუთარი სახსრებით აღმოფხვრას აღმოჩენილი ხარვეზი და წარმოადგინოს სრულყოფილი ვარიანტი.

გ) მიწოდებული საქონელი წარმოდგენილი უნდა იყოს ახალი (ექსპლუატაციაში არ მყოფი),

დ) მოწოდებულ საქონელზე უნდა ვრცელდებოდეს 1 წლიანი გარანტია და მიმწოდებელმა უნდა უზრუნველყოს საგარანტიო პერიოდში საქონლის უპირობო შეცვლა (თუ დაზიანება არაა მიყენებული პიზიკური ზემოქმედების შედეგად) შემსყიდველის მოთხოვნიდან 5 (ხუთი) სამუშაო დღეში.

8. ხელშეკრულებით ნაკისრი ვალდებულებების შესრულების ინსპექტირება

8.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ა(ა)იპ „რუსთავერვის ცენტრი“-ს გარეგანათების სამსახურის უფროსი გულივერ სამუშია .

8.2 ინსპექტირების გამწევის ფუნქციები:

ა) „მიმწოდებლის“ მიერ ხელშეკრულებით ნაკისრი ვალდებულების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.

ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.

გ) „მიმწოდებლის“ მიერ ხელშეკრულებით ნაკისრი შესრულებული ვალდებულების ნაკლოვანებებს ინსპექტირების გამწევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

8.3 „მიმწოდებლის“ მიერ ხელშეკრულებით ნაკისრი ვალდებულების შესრულებისას გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 „მიმწოდებლის“ მიერ ხელშეკრულებით ნაკისრი ვალდებულების შესრულების ვადის გადაცილების შემთხვევაში, „მიმწოდებელს“ დაეკისრება პირგასამტეხლო ყოველ ვადაგადაცილებულ დღეზე ხელშეკრულების შეუსრულებელი ვალდებულების 0,02% -ის ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების შეუსრულებელი ვალდებულების 1%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 მხარე ვალდებულია 10.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ.

წინააღმდეგ შემთხვევაში, შესაბამისი მეორე მხარე არ გათავისუფლდება ნაკისრი ვალდებულებებისაგან.

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელმოწერიდან და მოქმედებს 2019 წლის 31 დეკემბრის ჩათვლით.

„შემსყიდველი“

„მიმწოდებელი“

ა(ა)იპ „რუსთავესერვის ცენტრი“

მის.: (იურიდიული) ქ. რუსთავი მ. კოსტავას გამზ N 20

(ფაქტიური) ქ. რუსთავი ალ. ყაზბეგის ქ. N 2

ს/კ 416 316 016

მიმღები ბანკი: სახელმწიფო ხაზინა

ბ/კ TRESGE2

ა/ა GE24NB0330100200165022

დირექტორი: გიორგი გოროზია

შპს „ტომა“

მის: ქალაქი ჭიათურა სოფელი ითხვისი მე13 უბანი

ს/კ 415596769

მომსახურე ბანკი:საქართველოს ბანკი

ბ/კ BAGAGE22

ანგარიშის ნომერი:GE61BG0000000046259400

დირექტორი: ოთარ მეგრელიშვილი

დანართი №1		ფასების ცხრილი						
№	დასახელება	ზომის.ერთეული	რაოდენობა	ერთ.ფასი(დღგ-ს გარეშე)	საერთო.ფასი(დღგ-ს გარეშე)	მწარმოებელი ქვეყანა	მწარმოებელი კომპანია	საგარანტიო ვადა
	ელექტროენერგიის გამანაწილებელი და საკონტროლო აპარატი							
1	ავტომატიური ამომომრთველი (3*250) ამპერიანი	ცალი	10	100	1000	რუსეთი	КЭАЗ	12 თვე
2	ავტომატიური ამომომრთველი (3*320) ამპერიანი	ცალი	2	200	400	რუსეთი	КЭАЗ	12 თვე
3	ავტომატიური ამომომრთველი (3*100) ამპერიანი	ცალი	10	25	250	ჩინეთი	ONRKA	12 თვე
4	ავტომატიური ამომომრთველი (2*32) ამპერიანი	ცალი	22	6	132	ჩინეთი	ONRKA	12 თვე
5	ავტომატიური ამომომრთველი (1*32) ამპერიანი	ცალი	30	4	120	ჩინეთი	ONRKA	12 თვე
6	ელექტრო გამშვები (3*185)ამპერიანი	ცალი	5	200	1000	ჩინეთი	WISKAN	12 თვე
7	ელექტრო გამშვები (3*320)ამპერიანი	ცალი	3	400	1200	ჩინეთი	ALM	12 თვე
8	დამაგრძელებელი (ტრაინიკი არანაკლებ 10 მეტრიანი)	ცალი	10	15	150	თურქეთი	borsan	12 თვე
9	როზეტი ერთგანყოფილებიანი	ცალი	20	3	60	თურქეთი	VISAGE	12 თვე
10	გამომრთველი ერთგანყოფილებიანი	ცალი	20	3	60	თურქეთი	VISAGE	12 თვე
11	კვების ბლოკი (220\12 V (2,5 A/1500WT)	ცალი	10	12,9	129	ჩინეთი	ACDC	12 თვე
12	ელექტრო მაგნიტური გამშვები 25 ამპერიანი	კომპლექტი	2	15	30	ჩინეთი	ALM	12 თვე
	საერთო ფასი დღგ-ს გარეშე:				4531			

სახელმწიფო შესყიდვის ერთიან ელექტრონულ სისტემაში შემოთავაზებული საქონლის ფასის ჯამი შეადგენს 4531 ოთხიათას ხუთას ოცდათერთმეტ ლარს დ.ღ.გ-ეს გარეშე.

დირექტორი:ოთარ მეგრელიშვილი